

書炎以來朝野雜記

中央日報附刊

建炎以來朝野雜記

著者：(宋)李心傳

出版者：江蘇廣陵古籍刻印社

發行者：揚州市古籍書店

定價：玉扣紙本七十元

出版時間：一九八一年九月

統一書號：一一一。。(古)。四

建炎以來朝野雜記卷十九 乙集

宋李心傳撰

邊防二

女真南徙

金國五世八君本末

金國自完顏旻始建號稱帝至今主珣凡五世八君其傳國九十有八年而始衰其地在契丹之東北境長白山之下鴨綠水之源蓋古肅慎氏之地在漢代稱挹婁南北之間稱勿吉隋唐時稱靺鞨至五代始稱女真祖宗時嘗通問後臣屬於遼完顏之始祖指蒲者新羅人自新羅奔女真女真諸酋推爲首領七傳至旻而始大所謂阿骨打也建中靖國元年遼主天祚立淫虐不道阿骨打叛之

政和四年八月用兵連年奪遼

地大半重和元年八月阿骨打始稱帝以其水生金故號大

金改元天輔

次歲戊戌

蔡京童貫聞之募人泛海往使約夾攻遼

人以燕地歸我宣和四年冬童貫伐燕爲遼人所敗其十二

月阿骨打入燕五年春王黼與金人約歲賂金帛五十萬兩

匹貨一百萬緡而請燕薊六州之地阿骨打許之其五月乙

丑阿骨打卒年五十六

在位六年

諡曰武元皇帝廟號太祖阿骨

打有八子不立立其弟晟所謂吳乞買也晟立改元天會

元年

癸卯七年春遼天祚爲金人所執其冬十二月遂寇京師靖康

元年春朝廷割河東北三鎮地與之盟而歸其冬再入京師

陷紹興四年冬晟卒年六十一

在位十二年

諡曰文烈皇帝廟號

太宗有子八人不立而立阿骨打之孫亶蓋阿骨打諸子之

可見者其長曰梁宋國王宗秀小名固礪次曰景王宗

傑即引兵陷京師者幹離不布也次曰宋

王宗幹亮之父也次曰宗俊阿骨打嫡子不及封後其次

曰晉王宗輔小名窩里温次曰梁國

王宗弼即引兵渡江陷二浙者所謂兀朮也左丞相兼侍中

都元帥所次曰曹國王宗敏亮纂立殺之吳乞買之長子

曰宋國王宗磐省事為所殺次曰兗國王宗雋小名蒲次曰

虞王宗英滕王宗偉次曰沂王宗賢右丞相次

曰衛王宗義亮時判大次曰代王宗懿亮時為東次曰晉國

王宗本亮時為太傅領三省事阿骨打初起兵皆以宗族近

親為將相其主兵者曰晉國王宗維蓋阿骨打從兄之子其

曰劾闕乃阿

骨打伯父所謂國相粘罕滿也

晟之世爲左副元帥其主

其主

謀者曰陳王希尹亦阿骨打之疏族於屬爲子所謂兀室也

亶之世爲左丞相誅死

又其次曰魯國王昌乃阿骨打之從弟所謂撻

懶也

亶之世爲左副元帥誅死

又其次曰婁宿

晟之世爲陝西諸路選鋒都統

曰撒离喝

亶之世爲左副元帥誅死

皆女真人不知其屬族之遠近自亶之立粘罕

滿首罷兵柄憤懣而亡兀室撻懶撒离喝以次受誅而旻晟

子孫剿戮殆盡亶初立猶用天會之號至戊午始改天眷辛

酉改皇統盡九年而爲其從弟左丞相岐王亮所弑紹興十

九年十二月丁巳也年三十一

在位十五年

追廢爲東昏王亮死

乃謚曰武靈皇帝廟號閔宗久之又改謚孝成皇帝廟曰熙

宗亮亦旻之孫而宋王宗幹之子也初年改天德

元年乙巳癸酉

改貞元其春徙居燕京號曰中都丙子改正隆正隆盡六年而亮引兵南下國人不堪其虐以十月丁未共立其從弟東

京留守葛王褒為帝諸將聞之弑之於揚州瓜洲鎮之龜山

寺紹興三十一年十一月乙未也年四十二在位十二年追廢為海

陵王謚曰煬褒亦受孫晉王宗輔之子也既立改元大定元年

辛巳大定之四年復與本朝議和濶熙元年春更名雍雍有子

七人長曰越王允升次曰允恭為太子早死濶熙十二年夏所謂顯

宗也環立追尊之次曰鄭王允蹈於次為第六環之世為武定軍節度使誅死次曰衛

王允濟於次為第七允恭二子長曰豐王珣次曰原王璟環嫡子

也雍以為太孫大定盡二十九年而雍卒濶熙十六年正月

癸巳也年六十八在位二十九年號曰世宗雍為人仁厚不用兵北

人謂之小堯舜璟立庚戌改明昌丙辰改承安辛酉改泰和泰和之六年南北交兵又十有二年而璟亦卒嘉定元年十

一月丙辰也年四十一

在位二十年

號曰章宗初璟之立也越王

鄭王皆有不平語璟召鄭王殺之

紹熙四年十一月

越王有二子長

曰愛王趙妃所生葛王愛之賜以鐵券璟惡之而不敢殺也

愛王尋居上京以叛越王遂爲璟所殺

慶元元年五月

璟死無子而

雍之諸子惟允濟在璟所嬖內侍李黃門者傳璟遺令與尙

書右丞撒罕勒共立之愛王時在中都允濟疑其爲變囚之

眞定拜撒罕勒太師領三省事封申王明年改元大安

元年巳巳

壬申改崇慶癸酉改至寧璟之在位也允濟被命往靖州受

黑韃靼進奉見其王忒沒貞桀傲不遜恐爲邊患欲歸白璟

除之會璟病卒大安三年

辛未本朝
嘉定四年

春三月韃靼入貢允濟

遣重兵分屯山後欲就進場襲殺之然後引兵深入會虜之
紂軍有詣韃靼告其事者韃靼疑未信言者再至韃靼遣人
伺之得其實遂遷延不進秋七月十八日丁酉夜韃靼猝至
與金人戰於灰河凡三日勝負未分忒沒貞選精騎三千馳
突之金軍亂忒沒貞自以大軍乘之允濟急命西京留守紇
石烈執中領大兵迎敵於大勝甸執中者老將也知兵善戰
自允濟之立心常不服至是不肯力戰其下觀望遂大敗執
中以百騎奔還允濟怒罷之韃兵至翠屏口金又大敗九月
十四日攻奉聖州後二日破之進軍野狐嶺允濟再遣兵迎
敵以車爲陣兵又大敗十月韃兵至晉山縣距燕京百八十

里崇慶二年

本朝嘉定五年

春正月韃兵至居庸關左將軍完顏福

海棄關遁允濟素鄙吝士不川命允濟議以細軍五千自衛

奔南京

開封也

會細軍五百人自相激厲誓死迎敵殺韃兵數

百韃兵不敢進問所俘鄉民此軍有幾何鄉民給之曰二十

萬韃靬懼遂斂兵而退至寧元年

本朝嘉定六年

秋七月韃兵復至

山後都元帥完顏福興迎敵而敗允濟黜之八月起紇石烈

執中爲右副元帥將武藝軍三千復往迎敵二十日戊子發

燕京先是左副元帥南平者迎合允濟之意沮格軍賞眾共

怒之執中因人心之憤欲廢允濟遂回軍以誅南平爲名二

十四日壬辰軍至東華門外召南平計事手刃殺之宮中聞

變門皆不開執中召細軍大將全壽語之曰吾此來特誅亂

臣耳非有叛意也俄而細軍俱來救駕壽諭止之眾憚執中
威名無敢動者獨關西大漢軍都統完顏善羊引所部五百
人至皆爲武藝軍所殺執中以善羊驍勇召其父福海令招
之善羊大呼告其父曰老賊欲反朝廷何謂降之復力戰自
旦至午手殺數十人身中數矢而死軍民相殺流血滿地執
中遂進攻東華門允濟遣其子蔣玉持詔書候於門下募能
殺執中者白身除大興尹世襲千戶軍民皆無應者執中欲
縱火焚門守門將軍合住啟之執中引兵入宮侍衛皆散走
進至大安殿允濟望見之遙呼曰聖主令臣何往曰歸舊府
耳允濟入後宮邀其后俱出后留之曰出則被殺矣執中見
其久不至遣兵就執之併其妻子俱囚於舊府遂召豐王珣

之長子譚哲馬以御寶付之二十六日甲午夜執中遣內侍
李監丞者弒允濟於其府九月九日丙午豐王至燕京執中
率百官迎拜於道遂立爲帝改元貞祐降允濟爲東海郡侯
拜執中太師都元帥領三省事封澤王韃兵至紫荆關距燕
京二百里執中欲誘其兵南至涿易乃聚兵擊之韃靼破涿
易至阜河之西欲渡橋執中方病足乘車督戰韃兵大敗翌
日再戰執中瘡甚不能出遣左監軍高乞以紂軍五千拒之
失期不至執中欲斬之珣以其有功諭令免死執中益其兵
令出曰勝則贖罪敗則誅無赦高乞出戰自夕至曉忽北風
大作吹石揚沙不能舉目韃靼乘風縱火馳擊之高乞軍大
潰自度必爲執中所殺遂引紂軍圍執中之府突入其臥內

殺之退詣應天門待罪十月十五日辛亥也珣以高乞掌兵

權不敢加罪盡收從執中弑逆之人殺之於是韃靼主留其

大酋撒沒曷圍燕京自引兵徇河東北山東諸郡貞祐二年

春

本朝嘉定七年

韃靼已破中原九十餘郡復會兵於燕京金主珣

厚賂忒沒貞以允濟第四女小姐姐者妻之又遣左丞相都

元帥完顏福興爲質韃靼乃歸河南路統軍蒲撒七斤者奏

乞徙都開封珣從之命參知政事胥鼎爲沿路排頓使其姪

霍王從彝者諫曰祖宗山陵宗廟社稷百司庶府皆在燕京

豈宜棄之而去珣曰燕京乏糧不能應辦朝廷百官諸軍今

暫住南京俟一二年閒糧儲豐足復歸未晚也從彝乞自督

運珣不從從彝憂憤成疾而死五月十日甲戌也十八日壬

千金主發燕京出麗澤門自涿保州中山府而南至眞定留
幾月復至大名路由新衛州渡河以至開封肆赦境內秋八
月韃兵復圍燕京分兵下中原州郡又遣使至開封索犒軍
金銀等珣皆予之明年五月二日辛酉韃人破燕京都元帥
完顏福興自剄死有戶部令史郭忠者蔚州人率山後軍民
擊韃靺逐之金人後名其軍爲花帽軍金人自阿骨打稱帝
至是九十有八年而失國兩河旣爲韃靺所擾山東畔之金
人東阻河西阻潼關地勢益蹙遂有南窺淮漢之謀兵端復
起矣

近傳南邊錄事悉差誤
蓋南人僞爲之今不取

西夏扣關

西夏十六
傳本末

西夏者其先拓跋氏也有思恭者唐僖宗時爲夏州偏將後

以與破黃巢功賜姓李氏拜夏州節度使思恭死弟思諫代
後梁時思諫死軍中立其子彝昌爲留後因而命之彝昌旋
見殺軍中推其族父仁福爲節度使封朔方王唐明宗時仁
福死子彝超立明宗遣人伐之圍之百餘日不克乃復以爲
節度使彝超死弟彝興立國初遣使入貢太祖厚待之因卽
以爲定難軍節度使封西平王傳子光叡孫繼筠繼捧太宗
太平興國中繼捧與其部族不咸表獻夏綏銀宥四州之地
其弟繼遷不從據銀州以叛七年夏朝廷不能討乃用趙中令
計復以繼捧爲節度使賜姓名趙保忠端拱元年夏繼遷爲銀州
觀察使賜姓名趙保吉淳化二年秋旣而二人合謀以叛遂命將
俘保忠以歸淳化五年春繼遷尋進陷靈州眞宗初立以陝西困

弊之久赦繼遷罪

至道五年冬繼遷除定難軍節度使

繼遷死子德明立遂封

德明西平王歲賜茶絹銀共六萬斤匹兩

景德三年冬

夏人之勢

自此始盛仁宗寶元初德明之子元昊既取西涼七州地乃

僭號稱帝

寶元元年冬

陝西沿邊屢覆大將朝廷卒用韓魏公范

文正公計冊元昊爲夏國主增歲賜茶絹銀爲五十五萬

慶曆

四年

元昊死子諒祚孫秉常秉常之子乾順繼立蓋前後叛

服不常而神宗始用師於西方歷哲宗徽宗遂漸奪其橫山

之地又旁取熙河湟鄯以制之西夏旣衰而關陝亦困矣比

金人渝盟乾順首與之合裂取陝西沿邊諸城寨

靖康元年冬

及

虜歸關河地而乾順遣招撫使王樞至寨上李世輔執之以

獻

紹興元年五月二十七日李世輔至鳳翔即顯忠也

乾順俄死

六月三日

其子仁孝立朝